



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Health**

Na osnovu člana 22. stav 2. Zakona o izvršavanju Budžeta Kantona Sarajevo za 2021. godinu („Službene novine Kantona Sarajevo“, broj 5/21), a u vezi sa članom 13. stav 1. tačka 14. Zakona o zdravstvenoj zaštiti („Službene novine Federacije BiH“, br. 46/10 i 75/13) i člana 6. stav 3. Uredbe o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo („Službene novine Kantona Sarajevo“, br. 33/11, 3/12 – Ispravka, 37/13, 16/14 i 6/17), člana 6. Pravilnika o postupku po javnom pozivu za dodjelu novčanih sredstava neprofitnim organizacijama i udruženjima iz oblasti zdravstva („Službene novine Kantona Sarajevo“, broj 14/17), a u cilju zakonitog i transparentnog trošenja budžetskih sredstava, Ministarstvo zdravstva Kantona Sarajevo, objavljuje

## **JAVNI POZIV**

za

**finansiranje/sufiniranje programa i projekata neprofitnih organizacija i udruženja  
koja pružaju podršku djeci oboljeloj od malignih bolesti i njihovim roditeljima  
sredstvima Budžeta Kantona Sarajevo za 2021. godinu  
razdjel Ministarstva zdravstva Kantona Sarajevo**

### **1. PREDMET JAVNOG POZIVA**

Predmet Javnog poziva je dodjela sredstava iz Budžeta Kantona Sarajevo za 2021. godinu – razdjel Ministarstva zdravstva Kantona Sarajevo, neprofitnim organizacijama i udruženjima čiji su projekti, programi i aktivnosti iz oblasti zdravstva, a tiču se isključivo oboljenja od malignih bolesti, i ista su od interesa za oboljelu kategoriju pacijenata - djecu i njihove roditelje kao građane Kantona Sarajevo, te kao takva doprinose razvoju i afirmaciji Kantona i provode se na području Kantona Sarajevo.

### **2. PRAVO UČEŠĆA**

Pravo učešća i pravo na dodjelu sredstava imaju registrovana udruženja i neprofitne organizacije čiji su projekti, programi i aktivnosti iz oblasti zdravstva, a tiču se isključivo oboljenja od malignih bolesti, kategorije pacijenata - djece i njihovih roditelja, koja ispunjavaju opće i posebne kriterije iz Javnog poziva.

### **3. KRITERIJI ZA DODJELU SREDSTAVA**

#### **Opći kriteriji:**

- a) registracija udruženja na bilo kojem nivou vlasti u Bosni i Hercegovini;
- b) realizacija projekata udruženja koja su od interesa za građane Kantona Sarajevo ili doprinose razvoju ili afirmaciji Kantona i provode se na području Kantona Sarajevo;
- c) ekonomska ili društvena opravdanost projekta koje udruženje predlaže i sprovodi;
- d) program rada za 2021. godinu sa obrazloženjem;
- e) finansijski plan za 2021. godinu;
- f) izvještaj o urednom finansijskom poslovanju (bilans stanja, bilans uspjeha i Narativni izvještaj za 2020. godinu);
- g) finansijski izvještaj o utrošku sredstava za projekte odobrene u 2020. godini;
- h) organiziranost i broj članova udruženja;

- i) broj lica koja učestvuju u realizaciji projekta;
- j) specifičnost potreba članova udruženja, odnosno populacije koju zastupaju;
- k) rezultati i uspjesi na kantonalnom, federalnom, državnom i međunarodnom nivou, odnosno broj korisnika obuhvaćenih projektom.

#### **Posebni kriteriji:**

Posebni kriteriji su definisani u članu 5. tačka e) Uredbe o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo (oblast zdravstva).

Projekti i programi za dodjelu sredstava, trebaju da budu usmjereni na slijedeće:

1) Projekti koja pružaju podršku djeci oboljeloj od malignih bolesti i njihovim roditeljima koji se odnose na:

- rano otkrivanje i suzbijanje malignih bolesti djece;
- unapređenje zdravlja i prevenciju malignih bolesti djece;
- podrška teško oboljeloj djeci od malignih bolesti;
- palijativna njega teško oboljele djece od malignih bolesti i
- pomoć roditeljima teško oboljele djece od malignih bolesti.

#### **4. POTREBNA DOKUMENTACIJA**

Dokumentacija koju je potrebno dostaviti:

- a) popunjen obrazac zahtjeva (obrazac I) i obrazac prijave za aplikaciju za finansiranje/sufinansiranje projekata (obrazac II) koji sadrži: naziv projekta, opis problema/potreba, kratak opis projekta, ciljevi, ciljne grupe, plan realizacije projekta, trajanje projekta, osoblje i budžet (obrazac I i obrazac II možete preuzeti na web stranici Ministarstva zdravstva: <http://mz.ks.gov.ba>);
- b) rješenje o registraciji;
- c) uvjerenje iz registra udruženja izdato u vrijeme podnošenja zahtjeva, izuzev iz Registra udruženja koje vodi Ministarstvo pravde i uprave Kantona Sarajevo, koje nosilac budžetskih sredstava pribavlja po službenoj dužnosti;
- d) ovjerena i potpisana izjava odgovornog lica o ekonomskoj i društvenoj opravdanosti projekta koje udruženje predlaže;
- e) program rada za 2021. godinu sa obrazloženjem i finansijski plan za 2019. godinu;
- f) bilans stanja i bilans uspjeha (ovjeren od strane nadležnog organa) te Narativni i finansijski izvještaj za 2020. godinu (obrazac preuzeti na web stranici Ministarstva zdravstva: <http://mz.ks.gov.ba>);
- g) ovjerena i potpisana izjava odgovornog lica o organizovanosti i broju članova udruženja;
- h) ovjerena i potpisana izjava odgovornog lica o broju lica koja učestvuju u realizaciji projekta;
- i) ovjerena i potpisana izjava odgovornog lica o rezultatima i uspjesima na kantonalnom, federalnom, državnom i međunarodnom nivou, odnosno o broju korisnika koji su obuhvaćeni projektom;
- j) uvjerenje o poreskoj registraciji-identifikacioni broj;
- k) uvjerenje o izmirenim poreskim obavezama (ne starije od tri mjeseca) ili uvjerenje da udruženje nije poreski obveznik;
- l) uvjerenje o izmirenim porezima i doprinosima za zaposlenike (ukoliko ima zaposlenike) ne starije od tri mjeseca, odnosno izjava odgovornog lica da udruženje/organizacija nema zaposlenih;
- n) izjava o finansiranju organizacije/udruženja iz drugih izvora ili drugih nivoa vlasti u 2020. i 2021. godini.

**Svi dokumenti koji se podnose kao dokaz o ispunjavanju općih i posebnih uvjeta iz ovog poziva moraju biti original ili ovjerene kopije ne starije od šest (6) mjeseci.**

**Dokumentaciju je potrebno numerisati i dostaviti po naprijed navedenom redoslijedu.**

## 5. NAPOMENA

Organizacija/udruženje koje je registrovano u 2020. godini i nije dobilo sredstva za projekte, nije dužno dostaviti dokumentaciju iz tačke 4. podtačka f) i n) ovog poziva.

## 6. OCJENA PRIJAVA

Ocjenu i pripremu prijedloga rang liste projekata udruženja i neprofitnih organizacija pristiglih na ovaj poziv, vršiće komisija koju će imenovati Ministar zdravstva Kantona Sarajevo.

## 7. PODNOŠENJE PRIJAVA

Prijava na javni poziv se podnosi u pisanoj formi na obrascu zahtjeva i obrascu za prijavu projekta za finasiranje/sufinansiranje iz budžeta Kantona Sarajevo, objavljenim na web stranici Ministarstva zdravstva: <http://mz.ks.gov.ba>, sa dokazima o ispunjavanju općih i posebnih kriterija, u zatvorenoj koverti.

Prijave se dostavljaju na protokol Kantona ili poštom na adresu: Kanton Sarajevo, Ministarstvo zdravstva, ul. Reisa Džemaludina Čauševića br. 1. Sarajevo, sa naznakom „Prijava na javni poziv za finasiranje/sufinansiranje rada neprofitnih organizacija i udruženja – ne otvaraj“.

Rok za podnošenje prijava je 15 dana od dana objavljivanja javnog poziva u dnevnim novinama i web stranici Ministarstva zdravstva KS.

Nepotpune i neblagovremeno podnese prijave neće se razmatrati.



Prof.dr Haris Vranić



